

при Костянтинѣ святѣмъ¹⁶⁸ цесари, в 20-ное лѣто цесарства его. И тѣ за-
точи Ария, хулившаго Христа¹⁶⁹ сына божия. И възвратися болѣзнѣ¹⁷⁰
на главу его, и на върх¹⁷¹ ему неправда его снидетъ;¹⁷² тому бо, рече гос-
подь, не бу(л. 43) деть прощения ни в сий вѣкъ, ни в будущий, нѣ и сде
проклинаемъ естъ, и тамо горѣтъ мучим улютаеъ.¹⁷³ Събор же святыхъ отецъ
трий сътъ и осминадесате освятиша¹⁷⁴ и праздыновати повелѣша. Бяху же
старѣшины събору¹⁷⁵ мужи святии чудотворци: Силивѣстр папа римьскый,
иже крщениемъ Костянтина цесаря от проказы очисти и многа ина створи
чюдеса, Митрофан патриах Цесаряграда, иже слѣпцюю очи словомъ отъвързе
и¹⁷⁶ нѣмому молитвою проглаголати створи, Олександр архиепископ
Александрия,¹⁷⁷ пророчьскымъ украшен даром, Евѣстафий от Антиохия
и¹⁷⁸ Макарий от Иерусалима, патриаха суща¹⁷⁹ и знаменосьца, Вит и
Викентий,¹⁸⁰ и с Пафнотиемъ Николае,¹⁸¹ чьстниимъ митрополити и чудот-
творци, и инии мнози святии епископи. В них же бѣ и богоблаженный Спи-
ридон, имь же створи бог чудо в съборѣ: начьнѣшю бо е(л. 43 об.)му гла-
голати к философом, иже по Арии пряхуся,¹⁸² видѣша огонь из уст его ис-
ходящъ, и¹⁸³ отъвргъшеся Ария,¹⁸⁴ вѣроваша в святую троицю и быша кре-
стяние божиюю благодатию.¹⁸⁵

Да коея¹⁸⁶ чести и похвалы не¹⁸⁷ суть достойни велиции си¹⁸⁸ Христови
срятители, тако подвизавъшеся по Христѣ, яко и апостоли, и того же
апостольскаго¹⁸⁹ прѣстола и вѣнца сподоблъшеся!¹⁹⁰ О богоблаженни
отци, правовѣрныя¹⁹¹ вѣры правителе, вѣрнии недрѣмлющей святыя¹⁹²
церкве стражеве, за ню же и до криве противу врагомъ брань постависте,
не убоявъшеся¹⁹³ цесарь челоувѣчьскаго страха, ни мучитель прѣтщихъ
общемоу смертию, ни пакы¹⁹⁴ же врѣменныя ради чьсти ослабѣвъше, не
прѣвратисте господня слова,¹⁹⁵ ни прѣдасте на лъжи¹⁹⁶ истинны, нѣ яко на-
учени бысте от апостол, тако и¹⁹⁷ пожисте, яко начасте, тако и коньчасте!
Добрии Христова стада пастыри, за не же и душу свою положиште, не
дадуше вълку (л. 44) к агнецьмъ приблизитися, нѣ на пажить божия
закона цѣлы¹⁹⁸ и многоплодны упасъше, дондеже и в ограду горняго
Иерусалима жьзломъ вашего учения допровадисте! О блаженни¹⁹⁹ святые
тели, богонасаженаго винограда добрии²⁰⁰ дѣлатели, от него же всельст-
ное искоренисте тьрние,²⁰¹ богоразумие въ вся челоувѣкы присадисте и оля-
дѣвшюю грѣхъми²⁰² нашихъ сердець²⁰³ землю²⁰⁴ евангельскихъ словесъ²⁰⁵
раломъ въздѣласте! Вы есте рѣкы разумнаго рая, напоивъше миръ въсь
спасенаго учения и грѣховную сквърну струями вашего наказания омы-
вающе! Земнии ангели, божию престолу присно прѣдъстояще, мира всему
миру, и благовѣрнымъ княземъ нашимъ сдравие телесомъ и душевнаго²⁰⁶ про-
сите спасения, и за вся крестяныя прилѣжно²⁰⁷ Христу²⁰⁸ помолитесь!²⁰⁹
О богоблаженни архиерѣи, высокопарящеи орлы, иже не у трупа, нѣ
у живаго тѣла Христова съ(л. 44 об.)бирающеся,²¹⁰ его же ядѣше
в бесконьчьныя вѣкы²¹¹ на небесехъ²¹² живете! Мало потрудитесь на
земли и въ вся вѣкы в небесьнѣмъ почиваете цесарствии! Органи святаго

168 велицьмъ Ч; привелицьмъ Т. 169 Нет П. 170 Доб. его У. 171—172 его не-
правда сниде ЧТ; ср. Пс., VII, 17. 173 есть УТ; у люта есть П; доб. Мы же,
отци и братие и друзи, вси велегласно рѣмъ: Арий еретик да будетъ проклят и
вси еретици да будутъ прокляти! У. 174 Нет У; доб. радости исполнишася и
прославиша бога У. 175 Доб. тому У. 176 а Т. 177 Доб. иже УТ;
доб. и Ч. 178 Нет У. 179 Нет ЧТ. 180—181 Пафнотий и Николай У.
182 Доб. и ЧТ. 183 Доб. мнози У. 184 Доб. и ЧТ. 185 Доб. Мы же, убозии
и нищии, рѣмъ сиче У. 186 каковая Ч; каковыя Т. 187 Нет ЧТ. 188 Нет У.
189 Нет У. 190 достойни бывше ЧТ. 191 правыя У. 192 Христовы У.
193 Доб. и УТ; ни Ч. 194 како ЧТ. 195—196 не превратисте ЧТ. 197 Нет Ч.
198 Доб. си Ч; сия Т. 199 богоблаженни П. 200 Нет У. 201 Доб. и УТ.
202—203 Нет У. 204—205 евангельскимъ У. 206 душамъ У. 207 Доб. к ЧТ;
Нет Т. 208 Нет У. 209 молитесь П. 210 собираетесь ЧТ. 211—212 Нет У.